

ფ/პ პაატა გირმისაშვილი: მის: ქ. ყვარელი, ი. ჭავჭავაძის ქ. N89 : ტელ: +995 577 10 53 67

საქართველოს გარემოს დაცვისა და
სოფლის მეურნეობის მინისტრს
ბატონ ლევან დავითაშვილს

N 1911-10

10/11/2019

ბატონო ლევან,

გაცნობებთ, რომ ფ/პ პაატა გირმისაშვილი (ს/კ: 45001003018) ყვარლის მუნიციპალიტეტის სოფ. შილდას ტერიტორიაზე, 2003 წლიდან ფლობს თევზსაშენ ტბორს საერთო ფართობით 2,5 ჰა. თევზსაშენი ტბორის საერთო მოცულობა შეადგენს 37 500 მ³-ს. თევზსაშენი მეურნეობა განთავსებულია შემდეგ საკადასტრო კოდით მითითებულ ტერიტორიაზე: ს/კ: 57.07.65.013. ტერიტორიაზე ერთი დიდი ტბორი. თევზსაშენ მეურნეობაში არ ხდება თევზსაშენ ტბორში გამოზრდილი თევზების რაიმე ფორმით გადამუშავება. მეურნეობაში ხორციელდება დაახლოებით წელიწადში 1,5-2 ტონა თევზის შემდეგი სახეობის გამოზრდა პირადი მოხმარების მიზნით: კობრი (გოჭა) და ჩვეულებრივი სქელშუბლა.

გარემოსდაცვითი შეფასების კოდექსის 47-ე მუხლის პირველი ნაწილის მიხედვით, საქმიანობა რომლის განხორციელებაც დაწყებულია 2015 წლის 1 ივნისამდე და რომლსაც არ გააჩნია გარემოზე ზემოქმედების ნებართვა ან მიმდინარე საქმიანობის გაგრძელების შესახებ გადაწყვეტილება, საჭიროებს სამინისტროს მიერ მიმდინარე საქმიანობის გაგრძელების შესახებ გადაწყვეტილების მიღებას. საქმიანობის განმახორციელებელი 47-ე მუხლის მეორე ნაწილის საფუძველზე, ვალდებული იყო თევზსაშენი ტბორის მიმდინარე საქმიანობის გაგრძელების შესახებ, საქართველოს გარემოს დაცვისა და სოფლის მეურნეობის სამინისტროსათვის განცხადებით მიემართა მიმდინარე წლის პირველ ივნისამდე.

მიმდინარე წლის 20 აგვისტოს, სახელმწიფო საქვეუწყებო დაწესებულება - გარემოსდაცვითი ზედამხედველობის დეპარტამენტის კახეთის რეგიონული სამმართველოს ინსპექტორების ჯგუფის მიერ, საქართველოს ადმინისტრაციულ სამართალდარღვევათა კოდექსის 79^ე მუხლის პირველი ნაწილის საფუძველზე, ფ/პ: პაატა გირმისაშვილის მიმართ, თევზსაშენი ტბორის ექსპლუატაციის საქმიანობაზე შედგა ადმინისტრაციული სამართალდარღვევის შესახებ ოქმი N051366 და გადაგზავნილი იყო ყვარლის რაიონულ სასამართლოში განსახილველად.

ყვარლის რაიონულმა სასამართლომ განიხილა გადაგზავნილი ოქმი N051366 და ფ/პ: პაატა გირმისაშვილი ცნობილ იქნა ადმინისტრაციულ სამართალდარღვევის ჩამდენად, თუმცა სამართალდამრღვევის პიროვნებისა და სამართალდარღვევის ხასიათის გათვალისწინებით, საქართველოს ადმინისტრაციულ სამართალდარღვევათა კოდექსის 22-ე მუხლის შესაბამისად ფ/პ: პაატა გირმისაშვილი გათავისუფლდა ადმინისტრაციული პასუხისმგებლობისგან და გამოეცხადა სიტყვიერი შენიშვნა.



ფ/პ პაატა გირმისაშვილი; მის: ქ. ყვარელი, ი. ჭავჭავაძის ქ. N89 ; ტელ: +995 577 10 53 67

ზემოაღნიშნული გარემოებებიდან გამომდინარე, ვინაიდან საქმიანობის განმახორციელებელს მიმდინარე წლის პირველი ივნისიდან აღარ აქვს უფლება მიმართოს სამინისტროს მიმდინარე საქმიანობის გაგრძელების შესახებ გადაწყვეტილების მისაღებად, გარემოზე ზემოქმედების შეფასების პროცედურის გავლის მიზნით, გარემოსდაცვითი შეფასების კოდექსის 8-ე მუხლის და II დანართის 9.9 პუნქტის საფუძველზე, წარმოგიდგენთ ფ/პ: პაატა გირმისაშვილის (პ/ნ: 45001003018) ყვარლის მუნიციპალიტეტის სოფ. შილდას ტერიტორიაზე თევზსაშენი ტბორის ექსპლუატაციის სკოპინგის განცხადებას და ანგარიშს.

წერილს თან ერთვის:

- სკოპინგის ანგარიშის ნაბეჭდი ვერსია - 1 ეგზემპლარი;
- საქმიანობის განხორციელების ადგილის GIS (გეოგრაფიული საინფორმაციო სისტემა) კოორდინატები, shape ფაილის სახით;
- ამონაწერი სამეწარმეო და საჯარო რეესტრიდან;
- ადმინისტრაციული სამართალდარღვევის შესახებ ოქმი და სასამართლოს დადგენილების ელექტრონული ვერსია;
- სკოპინგის ანგარიშის და თანდართული დოკუმენტაციის ელექტრონული ვერსიები - 1CD;

გთხოვთ, განიხილოთ წარმოდგენილი დოკუმენტაცია და გაცეთ სკოპინგის დასკვნა ფ/პ: პაატა გირმისაშვილის (პ/ნ: 45001003018) ყვარლის მუნიციპალიტეტის სოფ. შილდას ტერიტორიაზე თევზსაშენი ტბორის ექსპლუატაციის საქმიანობაზე.

გთხოვთ, არ მისცეთ მსვლელობა მიმდინარე წლის 13 ნოემბრის N16306 წერილს.

პატივისცემით,

ფ/პ: პაატა გირმისაშვილი (პ/ნ: 45001003018)

